

schiedlichen Orthen/ vnd Häusern / jekt diese / bald jene Persohn  
 gähling ohn offenbare Ursach erkranket. Andertens/ Anfangs  
 lich ein vngewöhnliche Veränderung mit Schaudern ein Frost/  
 vnd Hitz / oder dieses vor / vnd jenes hernach empfindet / gleich  
 als ob einem das Fieber / oder Rothlauffen anstossen wolte. Drits  
 tens / ein Haupt-Wehetag/ vnd Schmerken klagt. Vierdtens/  
 Hand / vnd Füße sampt allen Gliedern vrpötzlich erschlagen/  
 matt/vnd schwach werden. Fünfftens/grosse Hitz vmb das Herz/  
 vnd Brust leydet. Sechstens einen kurzen/vnd geschwinden/oder  
 gar übelriechenden Achem bekompt/ Also / daß er denselben mit  
 Seuffzen tieff holen muß. Zum Siebenden/die Seiten voll/ vnd  
 außgespannet seyn. Achtens/die Brust/ vnd Herz-Cammer sehr  
 gedruckt werden / als wann das Herz mit einer Clammen hinten  
 vnd fornen geprest wurde. Neundtens/ Die Augen glanzen/oder  
 entzündet. Zum zehenden / die Ohren sausen/ vnd klingen. Elffte  
 tens/das Angesicht von seiner natürlichen in ein graußliche Ges  
 stalt sich verstelle/vnd ändert. Zwölffstens/auch die so kurz vorher  
 die sterckesten Leuth gewesen/ alsobald den ersten Tag/ohn all vora  
 her gegebene Ursach in Ohnmacht fallen. Zum Dreyzehenden/  
 Vor innerlicher Angst niemahls an einem Orth verbleiben / still  
 vnd ruhig ligen. Zum vierzehenden / Des Schlaffs sich nicht er  
 wehren / oder gar in denselben nicht gerathen können / sondern  
 immerdar wachen. Funffzehentens/dardurch ihres Verstands bes  
 raubt / wider Vernunfft/ vnd Wis abreden / oder phantastieren.  
 Sechzehntes/gleichwol grosser Durst all inerlicher Hitz gar keiner  
 Klagen. Siebenzehntens/den Bauch-Fluß/ Ruhr/ vnd sehr stin  
 ckender Stulgang. Achtzehntes/ oder vnlust/vnd widerwillen zur  
 Speiß haben. Neunzehntes/alles essen/trincken/vn Arzney widers  
 umb von sich brechē/vnd spenen. Zwanzigtens/wan sie am Hals/  
 hinter den Ohren/ vnter den Armen/ in den Gemäch/ Weichen/  
 oder auch sonst hin vnd wider im Leib das stechen / vnd brennen